

閱後仍送本人

天方性理

瑞軒



纂譯天方性理卷首

目錄

本經五章

附

最初圖

先天理化總圖

後天形化總圖

胎形變化總圖

靈性顯著總圖

大世界造化循環圖

小世界原始返終圖

天人分品圖

天人合一圖

天人渾化圖

纂譯天方性理卷首

本經

第一章

總述大世界造化流行之次第

最初無稱真體無着。惟茲實有。執一含萬。惟一

含萬。妙用斯渾。惟體運用。作為始出。昭微真理

流行。命昭元化。本厥知能。爰分性智。一實萬分。

人天理備。中含妙質。是謂元氣。先天之末。後天

之根。承元妙化。首判陽陰。陽舒陰斂。變為火水。

火水相搏。爰生氣土。氣火外發。為天為星。土水

內積為地為海。高卑既定。庶類中生。道行推造

化流行。至土而止。流盡則返。返與水合。而生金。

石。金與火合。而生草木。木與氣合。而生活類。格致

全經活與理合。而人生焉。道行推氣火水土謂之

四元。金木活類。謂之三子。四元三子。謂之七行。

七行分布。萬彙生成。格致全經殊形別類。異質

分宗。格致全經理隨氣化。各賦所生。費隱大化循環。

盡終返始。故惟人也。獨秉元精。妙合元真理象。

既全造化。成矣。道行推

第二章

分述天地人物各具之功能

一、真衍化。理象章陳。理具於知。象見於能。費隱經

知預先天。能衍後天。先以象著。後以理形。道行推原

經理象相屬。性命以位。研真經理象附形。妙用以

呈。道行推原經人曰知能。物曰功用。同上理同氣異。以

辨愚智。體圓用虧。以適時宜。費隱經渾同知能。是

至聖性。任用知能。是大聖性。順應知能。是欽聖

性。顯揚知能。是列聖性。希望知能。是大賢性。體

認知能。是智者性。堅守知能。是廉介性。循習知

能是善人性。自用知能。是庸常性。禽獸知覺。草

木生發。金石堅定。同是知能。弗稱知能。研真經 又道行

推原惟阿而實。代行化育。惟庫而西。錯合變化。第九天

創無為有。厥惟土天。發隱成著。厥惟木天。化小

為大。厥惟火天。章明貴顯。厥惟日天。結交離合。

厥惟金天。化蠢為靈。厥為水天。改移流動。厥惟

月天。風以動之。火以發之。水以滋之。土以奠之。中元

金以定固。木以建立。活類運行。凡是功用。萬化

仰藉。一粟之生。九天之力。格致全經 又 天經情性 日星景

麗元象以見。東西運旋變化以出。上同四行專注。

方位以定。四氣流通。歲時以成。格致全經七洲分地。

物產以異。四際分空。化育以從。雲雨雪雹霧露。

沙塵皆所由資。以妙元功。同上察形辨義。觀象悟。

理。先天後天。一貫而已。昭微經

第三章 總述小世界身性顯著之由

溟漠運精。元祖誕降。髭乳感孕。支裔衍生。道行推原

經初惟一點。是為種子。藏於父春。授於母宮。承

繼先天。妙演後天。胚胎兆化。分清分濁。本其二

氣化爲四液。黑紅黃白。層包次第。四本升降。表

裏形焉。紅者爲心。黃者其包。黑者爲身。白者其

脉。身心既定。諸竅生焉。肝脾肺腎。眼耳口鼻。體

竅既全。靈活生焉。研真經又道行推原經又格致全經靈活爲物。

包備萬性。與種俱存。與胎俱生。隨厥形化。而運

其機。俟其體全。而著其跡。道行推原經子吸氣血。由

臍入胃。而堅定。啟是爲金性。百體資之。由胃入

肝。而長養生。是爲木性。吸化資之。由肝入心。而

活性成。是爲生性。運動資之。自心升腦。而知覺。

具是爲覺性。外之五官內之五司一切能力皆
所資之。是諸所有。四月而成。五月筋骨爲堅定
顯。六月毛髮爲長性顯。七月豁達爲活性顯。研
經又格生四十日。愛惡言笑爲氣性顯。長遵禮
節。善用明悟爲本性顯。功修既至窮究既通理
明物化神應周徧爲德性顯。德性既顯本然乃
全。是謂返本。是謂還原。生人能事至此而全。行道
推原經又
研真經

第四章

分述小世界身心
性命所藏之用

非性無心。非心無性。心性會合。全德昭焉。道行推原

經心舍七德。作是靈明。順於心包。信於其表。惠

於其裏。明識在靈。篤真在仁。發隱其妙。真現初

心。初心著用。妙應無方。全體大用。莫或遺藏。道行

推原先天來降。後天復升。來自此心。復於此心。道行

道行推原經。兩弧界合。復滿圓形。真經注又費隱經。人

若燈具。真光其火。不獲真光。徒為人具。真經注又研真

經又道行人極大全。無美不備。既美其形。復美

其妙。道行推原經。本然流行。貫合粗精。自真來

我造化爲之自我復真人爲爲之

費隱經

本其各

具尋其公共渾融沕合卷其跡相

同上

惟是聖人

實踐其境衆則難之自取暗昧陷於疑逆徒致

潰累

道行推原經

聖賢智愚由是而分迷異奸邪從

此以判

同上

聖人全體本無明暗賢則有虧暗於

本然智暗於性愚暗於心暗此蔽彼本然弗見

同上

賢障於已智障於知愚障於欲障淺礙深本

然弗通

同上

信理疑事則爲異端信事疑理則爲

疑貳疑信交哀俵俵無之則爲迷惑

真經注

心順

身逆。是為疎忽。身順。心逆。是為奸佞。心身皆逆。

是為邪逆。同疑離之漸。逆悖之深。同沉淪物我。

本然隔絕。道行推原經又費隱經。惟法聖功。修身以禮。明

心以道。盡性復命。全體歸真。本然獨湛。大用全

明。是謂人極。乃復初心。道行推原經

第五章 總述大小兩世界分合之妙義與天人渾化之極致

惟一非數。是數皆一。費隱經厥初實有。統一統數。

一者其體。數者其用。昭微經體用渾然。是名真一。

山體起用。是名數一。返用歸體。是名體一。三一

非三、一而三義。同真一起化。數一成化。體一化。

化。道行推原經起化以爲從體著用。成化以命。先理。

後聖。化化以順進。以知見盡於無間。道行推原經化。

如循環。盡終返始。同上化出自然。終歸自然。少不。

自然。卽非本然。研真經又昭微經本然無着。着於名相。

名相無附。附於意識。意識無恒。故曰皆朽。昭微經又

費隱經是故萬物只朽其相。弗朽其理。夫理卽真。

費隱經凝目視一。散目視二。着疑陷礙。見物皆幻。

昭微經又費隱經物何非真。事何非實。昭微經物。

物純全孰云偏駁昭微經又一塵一粟全體本

然研真經一呼一吸終古限量費隱經又道行推原經小中

見大天納粟中大中見小天在塵外研真經又道行推原

經舒其光陰一息千古卷其時刻千古一息道

推原經又一歸本然天人渾化物我歸真真一費隱經


還真昭微經又物無相礙人無欲累妙義各呈

本然見焉道行推原經初為實理今為實相實

有相見種果全焉研真經又昭微經

纂譯天方性理本經終

最 初 無 稱 圖



先天理化次第圖

